

1. UVOD

Međunarodni Monetarni Fond (MMF) (na engleskom *International Monetary Fund-IMF*) je međunarodna organizacija zadužena za nadzor globalnog finansijskog sistema nadziranjem kamatnih stopa i bilansa plaćanja, kao i za pružanje tehničke i finansijske pomoći.¹ Međunarodni monetarni fond (MMF) je osnovan 22.jula 1944. godine s ciljem promovisanja međunarodne monetarne saradnje, sigurne razmjene i pouzdanih dogovora o razmjeni, te kako bi podsticao ekonomski rast i povećanje zaposlenosti, i osigurao privremenu finansijsku pomoć zemljama kojima je potrebno olakšati izravnavanje platnih bilansa²

1.1. Djelovanje

Ukratko, "slogan" MMF-a glasi: "zategnite pojas". Tri su glavna područja aktivnosti: promatranje, finansijska i tehnička pomoć. Nadzor se sastoji od procjene propisa o novčanoj razmjeni zemalja članica s obzirom na uvjerenje kako jaka i dosljedna ekonomska politika vodi stabilnom deviznom toku, te podstiče rast i razvoj svjetske ekonomije. Finansijska pomoć uključuje kredite i pozajmice članicama MMF-a s platnim bilansom koji podržava politiku prilagođavanja i reforme. (Podatak od 31. januara 2001. pokazuje kako MMF devedeset i jednoj zemlji daje oko 65,3 milijarde dolara kredita).³ Što se tiče tehničke pomoći, MMF pruža stručnu pomoć svojim članicama pri kreiranju i provođenju finansijske i monetarne politike, osnivanju institucija, dogovorima s MMF-om, te statističke podatke. MMF trenutno ima 185 zemalja članica. Pri glasanju radi donošenja odluka uticaj zavisi o dijelu kapitala u fondu. Države sa najvećim glasačkim dijelom su: SAD 16,77%, Japan 6,02%, Njemačka 5,88%, Francuska 4,86% , Velika Britanija 4,86%, Kina 3,66%. Budući da se odluke MMF-a moraju donositi većinom od 85%, SAD i Europska Unija zajednički imaju većinu i sami de facto odlučuju.



Slika br.1 : Zgrada MMF u Vašingtonu

¹ www.wikipedia.org

² Jurković P.,1980 , "*Poslovne finansije*",Zagreb , str.65

³ www.imf.oeg